



Барлық ескертулер мен бланктерді виза бөлімдерінен, дипломатиялық өкілдіктердің веб-сайтынан,
сонымен қатар визалық орталықтардан тегін алуға болады.

Туристік визалар ашуға берілетін өтініш туралы ақпарат

«Виза ашу үшін берілетін өтініштің жалпы мағлұматтары туралы» ескертпемен қосымша танысыңыздар.

Туристік виза ашуға берілетін өтініш үшін мына төмендегі құжаттарды дайындау қажет:

- Өтініш берушінің Шенген визасын алу үшін толық толтырылған қолы қойылған **сауалнамасы**. Мұнда шетелдіктердің келуі туралы заңның 53 параграфы, осы параграфтың 1 абзацы мен 54 параграфтың 2 абзацының, №7, 8 пунктерінің өзара байланысы туралы түсініктемелері; электрондық толтыруға және басып шығаруға арналған сауалнаманың толық түрін сіз мына жерден www.videx.diplo.de таба аласыз.
- 1 актуалды биометрикалық фотосурет, өлшемі: 3,5x4,5 см., түсірілген уақыты 6 айдан аспауы керек (фотосурет сауалнамаға жапсырылған);
- Жарамды, өтініш берушінің қолтаңбасы (16 жастан бастап) бар халықаралық төлқұжат және оның жеке деректері орналасқан бетінің көшірмесі; Егер құжаттар тапсыру кезінде өтініш беруші 16 жасқа толған немесе ол жастан асқан болса, төлқұжатта қолтаңба міндетті түрде болуы керек. Егер төлқұжат 16 жасқа толғанға дейін төлқұжат иесінің қолтаңбасы қойылмай берілсе, ол төлқұжатты қолы қойылған төлқұжатқа ауыстыру қажет. Визаны рәсімдеу кезінде төлқұжат сұралған виза мерзімі аяқталғаннан кейін кемінде әрі қарай 3 айға жарамды және кем дегенде 2 бос беті болуы тиіс және соңғы 10 жылда берілуі міндет;
- Егер бар болған жағдайда соңғы үш жылда берілген Шенген визаларының көшірмелері;
- **Қазақстан азаматтығы жоқ өтініш берушілерге: тұруға ықтияр хаттың Қазақстанда тіркелудің түпнұсқасы мен көшірмесі;**
- Бүкіл Шенгендік Келісімге кіретін мемлекеттерге күші бірдей жүретін медициналық сақтандырудың көшірмесі. Сақтандырудың төменгі қаржылай қамту көлемі 30 000 евро және оның қолдану мерзімі көрсетілуі керек. Медициналық сақтандыру қажет болған жағдайда мына шығындарды өтеуі қажет: Сақтанушының ауырған немесе өлген жағдайда орын алатын тасымалдау шығындары; шұғыл медициналық көмекке кететін қаржы немесе шұғыл ауруына байланысты емханаға кететін шығындар. Бұның бәрі өтініш берушінің Шенгендік Келісімге кіретін елдердің территориясында жүрген кездерінде ғана іске асады. Медициналық сақтандыру сонымен бірге COVID-19 коронавирустық ауруын ең төменгі 30.000 евро мөлшерінде қамтуы керек.
- **Виза үшін консулдық алым** теңгемен төленеді (Консулдық алымдар туралы толық мәліметті Сіз мына жерден таба аласыз www.kasachstan.diplo.de)
- **Сапар мақсатын дәлелдеу:**



- Шенген келісімге кіретін елдердің территориясында болған күндерге орай қонақүйді брондау;
- Брондау (**сатып алынған емес**) ұшақ билеті ;
- **Әр өтініш беруші үшін: "Сапар жоспары"** деген толтырылған **қосымша өтініш** жазу, онда өтініш білдірушінің қолы қойылған болуы міндет. Сапар жоспарының формасын дипломатиялық өкілдіктерден, виза ашу үшін өтініш қабылдайтын орталықтардың және мына веб-сайттан www.kasachstan.diplo.de тегін алуға болады.
- Өтініш берушінің атына берілген ағымдағы шоттағы қаражаттың қалдығы туралы банктен анықтаманың түпнұсқасы және банктің мөрімен / қолымен және соңғы үш айдағы дербес шоттан үзінді көшірме. Банк анықтамасы өтініш берілгенге дейін 2 аптадан аспайтын мерзімде берілуі керек.
- Некеде тұратын арыз берушілер күйеуінің / әйелінің банктегі есеп шотының түпнұсқасын бере алады, оған қоса неке туралы куәлігінің түпнұсқасы мен көшірмесін тапсырады;
- **Кәмелетке толмаған өтініш білдірушілер** сапарға бірге баратын ата-анасының біреуінің есеп шотының көшірмесін тапсыруына болады + өзінің тууы туралы куәлігінің түпнұсқасы мен көшірмесі;
- **Отбасылық жағдайына сәйкес:** неке туралы куәлігінің түпнұсқасы мен көшірмесі; неке бұзу туралы куәліктері немесе ата-анасының (күйеуінің / әйелінің) өлгені туралы куәліктері; түпнұсқасы мен көшірмесі;
- **Болған жағдайда:** Жеке бас мүлкі туралы анықтама (виза ашуға өтініш бергенге 4 аптадан аспайтын уақытқа дейін берілген болуы керек);
- Балалары болған жағдайда: балалардың тууы туралы куәліктерінің түпнұсқалары + көшірмелері;
- **Жұмыс істейтіндер үшін:** Жұмыс орынынан берілген **анықтаманың түпнұсқасы**. Анықтамада оның лауазымы, еңбек қызметінің ұзақтығы, орта айлық жалақысы, берілетін демалыс және оның мерзімі мен сипаты (төленетін / төленбейтін демалыс) көрсетіледі. Сонымен қатар жұмыс орынының толық мекен-жайы, байланыс деректері, жұмыс берушінің анықтамадағы мөрі мен қолы;
- **Жеке кәсіпкерлер мен ЖШС құрылтайлары үшін:** E-gov-тан берілетін мемлекеттік тіркеуден өткен заңды тұлға екендігі туралы анықтама, соңғы есепті уақытқа берілген салық құжаттары (патент немесе электронды түрдегі декларация). Және салық берешегі бар ма немесе жоқтығы туралы анықтама;
- **Зейнеткерлер үшін: Зейнеткерлік есепшотынан** соңғы 6 айдағы шығарылым;
- **Студенттер үшін:**
 - Оқитын жерінен анықтаманың түпнұсқасы. Анықтамада оқудың түрі, мамандығы, курсы және оқудағы қалған уақыты көрсетіледі; ЖӘНЕ
 - Егер сапар ағымдағы семестр кезінде болса: Сапарға кетуіне байланысты сол кезеңде оқудан босатылғаны туралы анықтаманың түпнұсқасы.



- **Оқушылар үшін:**
 - Мектептен берілген анықтаманың түпнұсқасы; ЖӘНЕ
 - Егер сапар ағымдағы оқу жылы кезінде болса: Сапарға кетуіне байланысты сол кезеңге сабақтардан босатылғаны туралы анықтаманың түпнұсқасы.

Кәмелетке толмағандар үшін қосымша деректер:

- Тууы турлы куәліктің түпнұсқасы мен көшірмесі;
- Егер тууы туралы куәліктегі мәліметтер шешесінің айтуымен жазылған болса: АХАЖ (азаматтардың хал актілерін жазу) мекемесінің №4 формасы бойынша берген актуалды анықтамасының түпнұсқасы + көшірмесі (анықтаманың берілген уақыты виза ашуға берілген өтініштің берілген күнінен төрт аптадан аспауы керек);
- Ата-аналық құқықтарына ие ата-аналардың жеке тұлғаларын куәландыратын құжаттардың көшірмелері;

ЖӘНЕ

- Өтініш формулярында ата-аналық құқықтарына ие ата-аналардың қолдары;
- Егер ата-анасының біреуі өлген болса немесе ата-аналық құқығынан айырылған болса: өлгені туралы куәліктің немесе сот шешімінің түпнұсқасы мен көшірмесі;

ЖӘНЕ

- Егер бала ата-аналарының біреуімен немесе үшінші адаммен бірге, немесе жалғыз өзі шыққан болса: Шенгендік Келісімге кіретін елдің аймағына баламен бірге баратын адамға немесе белгілі бір уақытқа баратын баланың өзіне сапарға бірге шықпаған ата-аналарының нотариалдық түрде расталған рұқсатнамасының көшірмесі мен түпнұсқасы;
- Егер ата-анасының немесе сапарға бірге баратын тұлғаның жарамды шенген визасы болса: Осы визалардың көшірмесі.

Естеріңізде болсын: Сіздің өтінішіңізді қарау барысында қосымша құжат қажет болған жағдай туындаса, онда дипломатиялық өкілдік қосымша құжаттарды жіберуді талап етеді. Бірақ бұл құжаттар Сізге визаны автоматты түрде ашуға негіз болып табылмайды.